

Ji'chicacdye
räj dyes pärä yis



Jun'bu'yi chuc ra' mo
Wa'tyeyacdye räj dyes oij
yomodye' 2020



www.oep.org.bo

Si necesitás más información ingresá al:



@TSEBolivia



tse_bolivia



72044497



fuentedirecta.oep.org.bo
(periódico digital del OEP)



Tribunal Supremo Electoral



www.youtube.com/OEPTSEBolivia

PLA-05(PRO-CAP- PPC -01)



Tribunal Electoral Departamental
BENI

Con el apoyo de:



**Jun'bu'yi chuc ra' mo
Wa'tyeyacdye räj dyes oij
yomodye' 2020**





Oij can va'tyeyacdyes räj tum si tsun 18 octubre mo yomodye' 2020 yojya dye ram yu'tyeja ayo chime notaqity mu mo'can ayo bu'yedye can 36 jiyi'ra senadora in judyeya senador in 130 diputada in judyeya diputado in judyeya arätac yutacchi cavetyi oij ayo'buyedye' in.



Mo' Ayo'buyis mu ayo'buyity chime cächä'tyis mo' judyeya cächä'chity mu'

ÓRGANO EJECUTIVO



36

senadora in judyeya senador in



60

yu 'tac yutacsi' (tyi) diputada in judyeya diputado in



63

yutacsi diputada in judyeya yu 'tac tyi' diputado in yirity jijcai tyi mo' tsun si' che bä'yedye'



7

yutacsi diputada in judyeya yu'tac tyi diputado in mu in räj bä'yedye oches indígenas mu'in.

130

ÓRGANO LEGISLATIVO



9

dyim tac tyi yu'tac tyi in cavetyi' mo ayo bu'yedye' rä jsi tsun bä'jaty oij che jac bäyedye'

Mo'ra' tupudye va'tyeyacdyes mo yutacsi bachäisi vatyeyacdye oches borivaches (OEP) mo'ya' tupudye mo' jun' bu'yi'chuc ra cujcatuca' tsun jemofie tsun jäm buja vaqueca judyeya anic jäm.




MO' TUPUDYE MO' MO YACCHUTIDYE' RA VA'TYEYACDYES

Mo' mesa mo votardye vanchutira mo 08:00 am judyeya ra cärjeyac 17 : 00 pm mo ra hora.

Mo räjäquive mo 17:00 hora taca muya juiya muntyi bisacvajoi in pajqui vaqueque in mo voto mu in mo ra mesa jam rä cärjeyac.

Jäquive aty vaqueque mu yadyiquity muntyi mu'ya' fejququeityity.



JAM BI'DYEM VOTAR YE CA' ANIC JEMONAC



1 Caweja jemoñe' tashche' cawaca' tij juna' buty mi votaryi ra' ju'ñis buty mesa, mo'can yu nash ma'je' votaryi oij can wa'tyeyacdyes borivia ches.

2 Caca'jemoñe' chime' mechuja' mo' carnet tsun cui'si' chime' yiris sän yis.



3 Oij nash tupudye in

Yacchuti' 08:00 am pam'dye me'dye 12:30 pm yomo' rä'e'quiwe carnet si' mu' in: 0, 1, 2, 3, 4



Yomo'qui'we yacchuti' 12:30 pm yomo – me'dye 17:00 pm yomo (canam' ya'qui'yomo') rä'e'quiwe carnet si' mu' in: 5, 6, 7, 8 judyeya' 9




Me' juijya' mu'ya'muntyi' in jam atsij tyi' in mo' hora in yo'ji'dyem' mo'yu'tacdye' yu'tac o, rä'e'quiwes carnet mu'in, mu'in bächäityi' votaryedyes in tupuj votaryi in.



YOCAN DYEM 'WA'QUEQUE' CAN IN

Yo khan dyem' wa'aqueque kan u iñ jemoñe mu'ya' cojcaityi vächächity in mo'ya' ra yiris wavsi yu'tye ra'in yiris chuidye sisdyes judyeya shupquedyes muntyis mu'in me juiya moya yiris momo' chui dye' jemoñe yu'tac yiris ya tec bu'yis parej bu' yi yo'ya dyem sisdyes judyeya shupquedyes muntyis mu iñ.



Mu' in muntyi' in wa'quequety ra in jemoñe queve chuidye in sisdyes mo judyeya queve'ra yo'ya dyem fec yi ya yoctyi u iñ jemoñe qui nam' moch buyi 1,5 metor yoctyitum in.



Mu' in momo' tupuj siti in mu in sanactyi in va'tyeyacdyes.



Yocan dyem' vo'tary ican u iñ muntyi in mu iñ va'quequety in va'qaques ra' iñ yiris croquis räj ji'chicacdye tum chime' mesa wa'tyeyacdyes judyeya mo notacdye' watyeyacdyes pajqui me bu'ja wencheka' mo' vacheyacdyes.

MO' RA' MESA VOTARDYES



Me' juiya' mo mesa wa'tyeyacdyes mo' ya' juiya fec tacdye jemoñe moch mun tsun'.



Jam bi' dyem' votaryeja yiris o yirity cojcaityi mesa yuche' arcor ger tumsi' un kan mu'in mu in votarjetyi' in oijkan watyeyacdye jemoñe ji'cavaqui carnet mu in pārã we dye carnet mu' paj qui me'bu'yi mo cojcaisi o cojcaityi paj qui cavacsebi jãm carnet de identidad.



Mo' sanaquis o sanaquity mu' yaty mesa yaty yoj ya dyem va'quequety u in cavac jãm mo carnet mu in sanactyi tij mu in vaquequety ra in.

Mo' va'queques mu' va'quequety jemoñe firmai mo' che sanacsi' che tij mu in va'que quety ra in cui si ra' sanaquis mu in me juiya' me'chui in mo cojcaquis o mu cojcaquity mu' ra' somacsi yiris faidyidye mu in.



Tai jeyaqui un mu jãbãj mu tacves yirisya tai yis yiquej yisya yiris tinta ca'yis pajqui me'bu'yi cai choi mo cach tacdye mu', mo che sanacsi' che' tij mu'in vaquequety in pajqui me bu'yi votaryi in. Mo' tai yis wa'cac ra' in cawin'tum'.

Mo' ayo' o mu' ayo mu mesaty jemoñe ji'ca'we' mo wa'tyeyacdyes jemoñe ji'cave' wancai chime mo contacia mijam ra' juñis mijam fe'yac judyeya chijo'meidye casts jeban jemoñe' mesa che' paj qui mu' muntyi caí pajqui mu can jijcai votar yi jãm yutac can.



Jemoñe' codyetac mu' muntyi' me'jujya' me'chui sanacdyes mu, mu'bãchãi tyi mesa jemoñe' pish jeyac arcor ya'.

Mo' wa'tyeyacdyes jãm' yu'tacsi', mu' votar yity / votar yis jemoñe' fei je' jorojcan yocan dyem' feitac o, ayo dyes in, mu'che' che'wes che' ayo' bu'yity in judyeya' mu'in diputado in muiyas can fei tacdye', cats jeyac juban ra' mo' wa'tyeyacdyes mo' jãm' yu'tacsi'.

ayo'nacdye ayo'busis si ayo bu'yity judyeya nofaquifaquis mu o nofaquity mu

feitacdye fashches che'wes



feitacdye okansi muiyas

ayo'nacdye diputada in judyeya diputado in judyeya ayo'in dyimfactyi in rãj departamentoin chime dipudfado in yufactyi rãj tyi tsun



Aty bijtac juijya' mo' paper votaryedyes mo' can jä'chäs can (anforaj can), jemoñe' jam täj tye', judyeya' yocsi jedye' mesa yas in wa'tyeyacdyes in



Mo' ayo'buyis o ayo'buyity bijche yacsi mo yhis paper yojche dyem vaqueque che u iñ judyeya jibänac räjä moche mesa che mudyes mu muntyi vaqueque tyi pajqui caka mo paer mu.

Pajqui shubajsha oijyaty vatyeyacdye

Mo' o mu' vaque quety jemoñe meijyebam mo ya vatyeyacdye ya cavintum

Mu' muntyi coi caityi judyeya cächächity in oijkän ayo'bu'yedye notaqui in pajqui moch buyi cave in räjä cavac pajqui jam tsudyujñiti in



YOKAN DYEM TSIKAN KAN MO IN VOTO IN

Jun si chuc räi' ya' mo' vatyeyacdye, caveban mo rä tsicdye voto in jemoñe caritac, jemoñe'mo chuidye wancai pajqui chime cave räjä tum in chie tupuj cave in räjä coj caityi oij vatyeyacdye judyeya chime mu in räjä ayo naquity in chime mu' in caveba tyi in judyeya mu' in ji'chiquebantyi' in chime räjä DOJROITYI in jemoñe moch buyi in yiris metro choc mesi buyi in chime dye jemoñe mo'ya busbuyis chuyas mu in.



Tsic juban in wa'tyeyacdye' mo va'tyeyacdyes mo in bijtac can mo ánforas judyeya mo tsicdye muntyis votar yedye' mu' in mo yas mesa ya.




Me' juiya' mo'ya' yocsi paper in moñis in mo' can si' yocam'dyem' yutac can o votarjeyacsi in, jemoñe'tupuj ban mo numero in mo' si paper si' in mo'ra sham jeyac judyeya mo firma ayo'bu'yis o ayo'buyity mo mesasty .



Paper yocyc in mo in anissis ya'ij ra' ra yutac in judyeya ra chime yu'tac in jam ya'i' in.

ayo'nacdye ayo'busis si ayo bu'yity judyeya notaquitaquis mu o notaquity mu



ayo'nacdye ' diputada in judyeya diputado in judyeya ayo'in dyimfacyti in rāj departamentoin chime diputado in yufactory rāj tyi tsun.

Mo' Tsidye' tsicdye' rājdyes mo voto in tashche tsic' in mo in voto in mo che' ñuty tacdye cheves mu sin ayo'naquity ayo bu'yedyes judyeya jāquive mo che ñuty tacdye' jāqui'ves mu' in si' candidatos in dipudos in.

Mo' ayo'buyis o mu ayo'bu'yity jicave' rāj mo voto in mo jibānac si' rāj ñuty tacdye judyeya pheyeyac fer, mu' in ya' ayo'nactyi ya in o yiris can tyi yiriyaty ayo'naquity mo rāj mu'in dyes in mo shupquedye' feitacdye chime'ra' peyeyac mo in voto in jam feitacsi' in.

Aty rä'i'ya' mo räj tsicdye' mo votos mo ayo'bu'yis o ayo'bu'yity mesaya' j'i'chique'ra'fer ra' äj yi fer caveba in jadyiquis räj mo' vaqueques in chat mesi' cärjeban in mo vacheyacdye'.


Mo' in judyeya yu'tactyi in cojcactyi' mesa in mo'dye tupudye in mo carijtacdye mu'in ayo' in jemoñe mo'ya juijche' dyes mu in ñuts yis mu' in judyeya vejche dyes mu in ñuty yedyes mu in.



Mo Acta tsicdye, Mo Paper nic jemonacsi mo' oijdyes carijtacdye jemoñe sanac räj mo shupque'dye mo'shupquis, mo ya yoja'dyem mesa vatyeyacdye o yiris copia ra sanquejcodye mo' ra somac mu sanaquis o mu sanquity jam juiya mo ayo'bu'sis o ayo' buyity judyeja yocty yutactyi in yoctyi kanty in partido.

SOMA'CDYE' ACTAS

Firmadye acta mo ayo'bu'yis o mu ayo'bu'yity judyeya'mo'in copias chupu' sis mo' mesa yas paj mu'in yu'tactyi' rä yoctyi in mu'yaty in jemoñe chique in mo moty bu'yedye' yiris metro judyeya choc vaj munityi in.



Mo' in / mu'in cojcai tyi' in bächäi' tyi' in, mo' in sanaquis o sanaquity in caveban räj acta mu'in mo vatyeyacdye räjdye in judye ya muin cojcaityi in.



Mo' sanaquis o mu sanaquity mechui jemoñe yiris sanyis mo actadyes aty jäquive mu'in cojcaityi in yoyoquin ayo'naquity in chime' ra mu in jäm'che in.



Mo' sanaquis o sanaquity farajje taque' mo vatyeyacdye räj mo' in yu'taquis in ñuty yedyes in me chui si' mo vatyeyacdye yoj yidye yutacdye mo sanacsi yojoyadye va'queque u in.



WA'TYAYACDYE JOROJ CANSI' JUDYEYA ANICISIS MO'ÑUTS JE SI' BÄ'YEDYE'MO' JÄM CHEJA'RÄJ TUM TSUN.

Yäwätidye'



ñuts yedyes in paj qui räsh a'
tsun' oij can wa'tyeyacdye' räjä
dyes tsun pärä' mir pärä' quitac



Mo' ra'wa'tyeyacdye' räjä dyes pärä' mir pärä' quitac, mo' bächäisi' wa'tyeyacdye' oches Borivia ches (OEP) jä'm' yu'tye' yäwätidye' yu'tacdye' in paj ñuts jítica' chime' paj qui räsh a' tsun, mo' rä'ñutyisin' paj qui tupuj wa'quec ja' anic jä'm' bu'yi.

Tashches yu'tacdye'

YU'TAC RA' IN MU'IN COJCAITYI' MESA IN WA'TYEYACDYES IN PAJ QUI JAM DURI'ÑITI IN

oij yu'tacdye' Yiri'ya'ra' pendyei oij tum' me'jeyacdye' in


- (mo' in mesa wa'tyeyacdyes in, mu'in momo' tupuj siti in wa'quequety ra' in, mu' in na räjä wa'quequety in chime' wa'queques in jemoñe cuts yirity jicaij wa'queque' jemoñe' anic mu'ya', tupuj ra' jì'sitac yirity pendyedyety mu' in me'jujya' nono' awa'tum'si' in, jajtsis in tupuj ra' jì'jiyac in, tupuj ra' mo'ya' bisacdye' mo'in.)



- Mo' in mesa in wa'tyeyacdyes in, juna' chuc tupuj yutac, yu'tyeyac ra' yiris chuidye' sisdyes chime' shupquedyes, mem' juijya' yiris chui'dye', parej jeyac ra' yiris ya' sinta, jemoñe' quinam' tacwe mo' sisdye' judyeya' quim'we mo' shpquedye'.


- Mo'ra' sisdye' yojya'dyem' wa'tyeyacdye' o in, mo'ya' ra' yiris croquis juna' juna' chuc mo' in mesa in judyeya sanacsi paper tyijtyi buty ra' mu' in wa'quequety/wa'queques in paj qui votaryi mo'ya' mesa in.

Jam' ra' tupuj yutac jedye' jimicacdyes 100 metro mequi' yojoyadyem' mo' wa'tyeyacdye' o.



Mo' in ra' mesa wa'tyeyacdyes in, yutac ra' in pärä' metro yiris jijcai', oij ra' jemoñe' in yu'tac in jorojya' jam juijya' yiris can wavsi' wentana tum'si'.

Cäts jijcai' mesa wa'tyeyacdyes in, mo'ya' ra' ji'cocdyes in, paj qui mu'in wa'quequety/votaryity in jemoñe yiris metro choc jijcai in cäts yirity in.



Pärä' yis yu'tacdye'

CÄCH RA' MO HORA WA'TYEYACDYES ME'DYE RA' CANAM' YA QUI'HORA

Mo' in mesa in wa'tyeyacdyes in jemoñe' wancai in mo' hora: 08:00 pam'dye' medye canam' ya' qui'(17:00 yomo') aty jiyi oij tupudye' me' juijya' mu'ya' muntyi' in yejcoi bisaqui in paj qui votar yi in, mo' ra' mesa votaryedyes jemone' yejcoi wancai' jun'qui'chuc jadyiquity votaryetaqui.

Me' chat aty rä j muntyi mu' in votaryity in aty votaryi in tash che' dye in jam bi' dyem canam' ya', jemoñe' mo' mesa ji'rä'e' mo' votardye'.



Chibin yis yu'tacdye'

YU'TAC RA' IN PÄRÄ HORARIO IN VOTAR YITY DYES IN NOMERO CHE' RA' RÄ'E' QUI'WES CARNET SI' MU' IN JADYICWES MU'IN

Yacchuti' 08:00 am pam'dye me'dye 12:30 pm yomo' rä'e'quiwe carnet si' mu' in: 0, 1, 2, 3, 4



Yomo'qui'we yacchuti' 12:30 pm yomo – me'dye 17:00 pm yomo (canam' ya'qui'yomo') rä'e'quiwe carnet si' mu' in: 5, 6, 7, 8 judyeya' 9



Me' juijya' mu'ya'muntyi' in jam atsij tyi' in mo' hora in yoji'dyem' mo'yu'tacdye' yu'tac o, rä'e'quiwes carnet mu'in, mu'in bächäityi' votaryedyes in tupuj votaryi in.

Wajpedye' yis yu'tacdye'

WADYE' RÄJ JI'CHICADYES



RÄJ MO' IN MESA VOTAR YEJA' YA' MO'YA' RA' YIRIS JI'CHICAQUIS SÄNACSI', VOTAR YITY DYES IN PAJ QUI TUPUJ CAWIN QUEWAC MO' PAPER VOTARYEDYES MU'IN

Canam yis yu'tacdye'

DYIM'TAC RA' IN, MU'IN COJCAI TYI' MESA IN WA'TYEYACDYES IN, ME'CHUI' TYI' YOMODYE' IN 18 MEDYE' 50 YITY / YIS YOMODYE' IN, MU'IN COJCAI' TYI' MESA IN VOTARYEDYES ME'CHUI RA' ÑUTS YEDYES ANIC JEMONACSI'.

(mu'in/mo'in bächäi tyi in/ bächäi si' in räj oij watyeyacdye' in / votardye' in chime' mu'in wächä'tyity in cojcai ra' in mo'sisdye' cojcai'tyi' mesa in wa'tyeyacdyes, fawaqui jemoñe un mu'in arcor ya' tsi'bi'dyes, so'macsi ra' dyim'tacdyes paper in chime' ra' yiris chupu' ñutsyedyes juijya' dyes cäts ra' wajpedye' hora jicai' cambia jeyac judyeya ñutsyedyes wej dyes, aty jäqui'we juijya' jemoñe wa'cac yiris can borsa anic jäm' tyi' can basura dyety momo'.

[14]

1






2

Mu'in cojcai tyi' mesa in somac ra' yiris witidyas / obota wa'tyeyacdyes ra' jemoñe' firmai acta che' ayij dyem' judyeya' jemoñe' pishi'dye' in räj mo' in sànacdyes in arcor ya'.

3 Mo' in wiitidyas in / obota in wa'tyeyacdyes, me'chui yocyoc jedye' jemonja' wa'tyeyacdyedyes, oij nash mo' in ji'jäcacejsa ra' in cujcatidyas in. :



4 Mu'in bächäi tyi / bächäi' si' wa'tyeyacdyes, so'macsi ra' in ya'itacdye'cojcai'tyi' dyety mesa in, peitac ra' yiris can chupu'.



Aty ra' wa'tyeyacdyes can, mu' in votaryity ra' in / votaryis in jam tupuj chei' ya' yi in cojcai' tyi'ya' mesa in, jemoñe' cächä'chui' oij yu'tacdye' in.



Jam bi' dyem' wa'queque' in jemoñe' fawti' arcor ya' in ger tum' ya' un can mu'in / mo'in wa'quequety ra' in.

Mu' wa'quequety / wa'queques ji'cawaqui jemoñe' pärän wedye carnet mu' jemoñe' mu'in mesa cojcaityi in cawepte in, mo' carnet mu' jam tupuj jedye' a'chis jäm' taqui in.



Mo' sànaquis o mu' sanàquity mesa yaty wa'tyeyacdyes jemoñe' cawe' mo' carnet jemoñe' yi'dye' mo'che' paper che' yojche' dyem sànac tij u mu' in votaryity in.

Mo' votar yis / votaryity firmai jemoñe' yojche' dyem sànac tij u mu' in votaryity in. jemoñe' cui'si' tuqui sànaquis mu'in yiquej yis. me' juijya' itsi' mu'in jemoñe' so'mac in tashche' quinam' jemoñe' tai jeyac arcor ya'.



Jam bi'dyem' cach yu'taqui un mu' dār' si' (jäbäj mu') tac wes, mo' taiyis yiquej yis yiris ya' tai' yedyes mo'ra' cawin'tum' wa'cac mo'can obota wa'cacdyes mesa yas

Mo' ayo' bu'yis / ayo'bu'yity mesa ya' ji'cawe' ra' mo' paper wa'tyeyacdyes jäm bu'yi' mo'yi jam fei'tac mo' paper wa'tyeyacdyes quiwij ra' yu'ba' mesa che' paj qui mu' votar yity / yis, che'je' qui judyeya' qui cai yocan dyem' wa'cacdyes o.



Mo'wa'tyeyacdyes jām' yu'tacsi', mo' wa'queques / wa'quequety jemoñe' fei'tye' anic joroj can mo' can yocam' dyem' fei'tacdye' o, mo' ji'dacdyi' yocan dyem' ayo' u in, mo'che' che'we yoche'dyem' ayo' bu'yity in, chie' ucan in mu' in ayo' bu'yity in diputado dyety ra' in, chime' diputado yirity jijcaij tyi' in, chime' mu'in diputado ñibety tyi' in (indigenaty mu'in). cabits jeyac ra' juban mo' paper votaryedyes judyeya' qui shuban wa'tyeyacdyes ya'



Aty bijtac juijya' mo' paper votaryedyes mo' can jä'chäs can (anforaj can), jemoñe' jam täj tye', judyeya' yocsi jedye' mesa yas in wa'tyeyacdyes in

Mo' ayo'bu'yis / ayo'bu'yity mesa yu'tye' ra' yiris paper wa'tyeyacdyes firma tacsí' chime' seyo tum' si' mo'che' mesa che' mu'dyes votaryity / yis aty ijai' tyi'

Aty jäqui'we votar yi ya', mu' votar yity jemoñe' cawin tum shuban mo' ya' mesa ya' wa'tyeyacdyes ya'.

Jäbän yis yu'tacdye'

MO' JI'CHYACDYE' MU'IN COJCAITYI' MESA IN WA'TYEYACDYES MU'IN RA' YIRITY ÑURU' IN JAM DAI' IN JEMOÑE' MO'YA' ÑUTS YEDYES MU'IN JUDYEYA' JI'CHÄYITI IN, MOCH BU'YI IN CELULAR CAN, RADIO CAN, JUDYEYA' TELE CAN.



1 Mo'ra' ji'chiyacdye' mu'in dyes in cojcai'tyi' mesa wa'tyeyacdyes, jämi' ra' miqui'mun'si' ñuru' sis in 12 jiyim' rui' cu' in judyeya' yirity ji'chique' tyi', ji'chiyacsity, jam juijya' mu' bächäityi mo' wa'tyeyacdyes.

2 Mo'ra' ji'chiyacdye' jemoñe' mo'ya' wavsi' judyeya' jām' si'.



3 Mo' ji'chäyiti in, jifer cac ra' moch bu'yi in celular can, radio can, judyeya' tele can faraj momo'.

4 Mu'ra' ji'chique tyi', ji'chiyacsity, mu' bächäityi mo' wa'tyeyacdyes, jemoñe' me'chui' ñuts yedyes mu'in, juij yadyes chime' wej dyes mu'in judyeya' jemoñe' me'chui' arcor ger tum' si' tai'yedyes chime' sham' yedyes paper.

5 Jemoñe' pishi'dac bä'yaquis in jam bi dyem' yacchuti' mo' jichiyacdye'.

6 Mu' in atsij tyi' in jemoñe' me'chui' ñuts yedyes juij ya dyes mu'in, jun qui' chuc rä' i' mo' ji'chiyacdye'.

7 Mu'in atsij tyi' in jemoñe' äraj je' in 1, 5 metro yiris metro choc yocyt'i' tum muntyi'.



8 mo'in /mu'in atsijtyi' in jemoñe' chicon jeyaqui un mu'in jam bi' dyem' jibänaqui sanquejcode' mu'in jemoñe' äraj je' mo' yiris metro choc jemoñe' cui'si' si' sanaquis mu'in, me'chat itsi' juijya' mu'in, pish je'ra' tashche' in jäqui'we qui ra' somac, jam bi'dyem' firmai.

Yäwätidye' yis yu'tacdye'



MO' JÄM' TACDYE' PAPER IN VOTARYEDYES JÄMI' RA' ÑUTS YEDYES TUM' PAJ QUI JAM ARE'RE YEJA'.

1 yocan dyem jämi' mo' paper votaryedyes in judyeya acta votaryedyes mo'ra' cojcacdye' pära qui'tac hora judyeya' yäwätidye' mayedye'



2 Mo' jäm yu'tacdye', yu'tac can paper wa'tyeyacdyes ra', mo paper aty wa'quequety dyes in, judyeya' yocsi in, mo' can ra' jäm' in departamental can yocan dyem jäm' yu'tac can juban o, mu'in caweban' tyi' in departamental can tyi' in (ted).

3 Mu' in departamental can tyi' in judyeya' cojcai tyi' in vächä'tyity in, mu in carijtaquity oij can ñuts jeyacdye' anic jemonac si'

4 Mo' carijtacdye' hora che' paj qui jam tupuj dai siti muntyi' in judyeya' chime' jam chei ya' jiti in 1 metro choc jemoñe' in.




5 Mo' sisdye' departamental can , mu' muntyi' jemoñe' jiyi yiris can pishi'shis arcor tum'si' cafon bu'yis gel tum'si'.

Mo' bächäcdye' ñuts yedyes juij dyes anic jemonac räjä dyes tsun.

6

Mo' cojcai' si wa'tyeyacdyes departamental can tyi in jām' tye' ra' mi'edye' oij paper votaryedyes in judyeya' ra' jutete yirity nataquity paj qui jichete' tyi'. Tsäqui' mo' caba' mu'in nataquity mo cai'in paper wa'quequety si mu'in jam jujtac tyi' in.



7

(mu' muntyi' jām' tye' ra' so'bacdye' yocwe jijca dye' oij jedye' in (bächätety, peyaquity, bächäityi' wa'tyeyacdye, wächätyity jam juijya' sondaro in) tashche' jemoñe' cawe' juna' chuc ra' cai' oij jedye' in ñuts yedyes in judyeya' ra' pishi'dac mu' nataquity chime' rä j jedye' wa'tyeyacdyes in.



8

Mu'in nataquity paj qui cac mo'in jedye' votar yedyes in jemoñe' pishi'dac tashche' jam bi'dyem' bijtac rä j jedye' in judyeya' mu'in muntyi' cawe'tyi' in.

9

mo' bächäi si' / bächäi tyi' je'can ra' in mo' can cdl chime' yu'tac can wa'tyeyacdyes in, jemoñe' biste in yojya'dyem' wa'cacdyes o, 24 hora jam bi'dyem' wa'tyeyacdyes bä'yedye' can dyes momo' 48 hora tashche mo'mo moch bä'ja'tyi'



10

mo' bächäi si' / bächäi tyi' yu'tye' ra' in mo'can yu'tac yiris can wavsi' wa'tyeyacdyes, cawin tum' jemoñe' pei'jeyac judyeya cojcai ra' in mu'in wächätyity in, yacchuti' wa'tyeyacdyes ya' mayedye'.



11

Mo'mayedye' wa'tyeyacdyes mo' bächäi si' / bächäi tyi' cojcai tyi' votar yedyes judyeya' mu'in wächätyity me'je'ra' in, yiris ya' acta wan chuc ra' mo' wavsi' mo' tum yedye' paj qui so'mac yu'tac can ra' wa'tyeyacdyes mu' in cojcai tyi' mesa in.

JI'CHICACDYE' MU' IN DYES IN WA'QUEQUETY IN / WA'QUEQUES IN

(mo' jemoñe' cujcatica' are'redye' ya' mo'nash jemoñe' räj dyes tsun, mo'dyes jam'bi'dyem votar yeja' mo' votaryis /votaryity jemoñe':

- Caweja jemoñe' tashche' cawaca' tij juna' buty mi votaryi ra' ju'ñis buty mesa, mo'can yu nash ma'je' votaryi oij can wa'tyeyacdyes borivia ches.



- Jemoñe' mu'we jijcai' mi votaryi mi yodyes dyem' hora yu'tac o, rä'e' qui'wes carnet si' nomero mo':

- Bächäja' ñuts yedyes räj bu'yi.
- Jemoñe' mechuja' mo' carnet tsun cui'si'
- Caca' jemoñe' sànaquis



- Fawac mo' un ojñi'ya' jawo tum'si' ya'jam juijya' arcor ya' ger tum'si'.



- Jemoñe' jam chei' ya' jitica' 1,5 metro jemoñe' tsun yoctyi' tum muntyi' in

- Aty wa'queque' ya', jemoñe' shuban cawintum' mo'ya mesa votaryedyes ya' judyeya' joban.





**Tribunal Electoral Departamental
BENI**

